

13 დეკემბერი 2019 წელი

ქ. დმანისი

დმანისის მუნიციპალიტეტის საკრებულოს სოციალურ საკითხთა კომისიის სხდომის

ოქმი № 5

კომისიის სხდომას ესწრებოდნენ: კომისიის წევრები:

1. მურაზი აბრამიშვილი
2. მზია ნინიაშვილი
3. თორნიკე ნინიაშვილი
4. ვალერი სამადაშვილი
5. გუმბათ იუსუბოვი
6. დავით დაუთაშვილი

კომისიის სხდომას თავმჯდომარეობდა: **მურაზი აბრამიშვილი**

სხდომის დღის წესრიგი :

დმანისის მუნიციპალიტეტის P 2020 წლის სოციალური პროგრამების დამტკიცების შესახებ.

საქართველოს ორგანული კანონი „ადგილობრივი თვითმმართველობის კოდექსი“-ს მე-16 მუხლის მე-3 და მე-4 ნაწილის, 24-ე მუხლის მე-2 ნაწილის, 61-ე მუხლის მე-2 ნაწილის და საქართველოს კანონი „საქართველოს ზოგადი ადმინისტრაციული კოდექსი“-ს 54-ე მუხლის პირველი ნაწილის საფუძველზე, დმანისის მუნიციპალიტეტის საკრებულომ გადაწყვიტა:

მუხლი 1

1. დამტკიცდეს დიალიზის სახელმწიფო პროგრამით მოსარგებლე პირების დახმარების 2020 წლის მუნიციპალური პროგრამა დანართი N1 - ის შესაბამისად;
2. დამტკიცდეს ავთვისებიანი სიმსივნითა და C ჰეპატიტით დაავადებული პირების ერთჯერადი ფინანსური დახმარების 2020 წლის მუნიციპალური პროგრამა დანართი N2 - ის შესაბამისად;

3. დამტკიცდეს სოციალურად დაუცველი მოსახლეობის სამედიცინო სტაციონარული, ამბულატორიული დახმარების, ფიზიკური თერაპიისა და რეაბილიტაციის 2020 წლის მუნიციპალური პროგრამა დანართი N3 - ის შესაბამისად;
4. დამტკიცდეს ტრანსპორტით მომსახურების 2020 წლის მუნიციპალური პროგრამა დანართი N4 - ის შესაბამისად.
5. დამტკიცდეს ფენილკეტონურიით და გლუტენის ავადმყოფობით (ცელიაკია) დაავადებულ ბავშვთა სპეციფიკური კვების პროდუქტებით დახმარების 2020 წლის მუნიციპალური პროგრამა დანართი N5 - ის შესაბამისად;
6. დამტკიცდეს ზამთრის სეზონის დადგომასთან დაკავშირებით საწვავით (ბიოსაწვავი „ბრიკეტით“) უზრუნველყოფის 2020 წლის მუნიციპალური პროგრამა დანართი N6 - ის შესაბამისად;
7. დამტკიცდეს აუტიზმის სპექტრის აშლილობათა მქონე ბავშვების რეაბილიტაციის სოციალური დახმარების 2020 წლის მუნიციპალური პროგრამა დანართი N7 - ის შესაბამისად.

მუხლი 2

კონტროლი განკარგულების შესრულებაზე განახორციელოს დმანისის მუნიციპალიტეტის მერმა.

მუხლი 3

განკარგულება ამოქმედდეს ხელმოწერისთანავე.

1. დიალიზის საჭიროების მქონე პირების დახმარების 2020 წლის მუნიციპალური პროგრამა

პროგრამის მიზანია დიალიზის საჭიროების მქონე პირების ჯანმრთელობის მდგომარეობის გაუმჯობესების ხელშეწყობა და მატერიალური დახმარების გაწევა.

1. პროგრამის მოსარგებლები არიან დმანისის მუნიციპალიტეტში რეგისტრირებული დიალიზის საჭიროების მქონე პირები.

2. მოსარგებლე ამ პროგრამით გათვალისწინებულ დახმარებას იღებს ფინანსური დახმარების სახით ყოველთვიურად 100 (ასი) ლარის ოდენობით.

პროგრამის დაფინანსება ხორციელდება დიალიზის საჭიროების მქონე პირებისათვის თანხის პირად ანგარიშზე ჩარიცხვით.

. მუნიციპალიტეტის მერიაში წარმოსადგენი დოკუმენტაცია

დიალიზის საჭიროების მქონე პირმა პროგრამით სარგებლობისათვის შესაბამისი განცხადებით უნდა მიმართოს მუნიციპალიტეტის მერს, რომელსაც უნდა ერთვოდეს:

- ა) ბენეფიციარის პირადობის დამადასტურებელი დოკუმენტის ასლი.
- ბ) ცნობა ჯანმრთელობის შესახებ ფორმა N100, სადაც მითითებულია რომ პირი საჭიროებს დიალიზით მკურნალობას;
- გ) პირადი საბანკო რეკვიზიტები;

2. ერთჯერადი ფინანსური დახმარების 2020 წლის მუნიციპალური პროგრამა.

პროგრამის ამოცანაა ავთვისებიანი სიმსივნითა და C ჰეპატიტით დაავადებული პირების ერთჯერადი ფინანსური დახმარება.

1. პროგრამის მოსარგებლები არიან დმანისის მუნიციპალიტეტში რეგისტრირებული ავთვისებიანი სიმსივნით და C ჰეპატიტით დაავადებული პირები.

2. ცალკეულ შემთხვევაში დმანისის მუნიციპალიტეტის მერი უფლებამოსილია მიანიჭოს პირს პროგრამით სარგებლობის უფლება, შესაბამისი ინდივიდუალური ადმინისტრაციულ-სამართლებრივი აქტის გამოცემის გზით.

მოსარგებლე ამ პროგრამით გათვალისწინებულ დახმარებას იღებს ერთჯერადი ფულადი დახმარების სახით, რომლის მოცულობაც არ უნდა აღემატებოდეს 200 (ორასი) ლარს.

. მუნიციპალიტეტის მერიაში წარმოსადგენი დოკუმენტაცია

- ა) შესაბამისი განცხადება მუნიციპალიტეტის მერის სახელზე;
- ბ) ბენეფიციარის პირადობის დამადასტურებელი დოკუმენტის ასლი;
- გ) ცნობა ჯანმრთელობის შესახებ ფორმა N 100;
- დ) პირადი საბანკო რეკვიზიტები;

3. სოციალურად დაუცველი მოსახლეობის სამედიცინო სტაციონარული, ამბულატორიული, ფიზიკური თერაპიისა და რეაბილიტაციის დახმარების 2020 წლის მუნიციპალური პროგრამა

პროგრამის მიზანია საყოველთაო ჯანმრთელობის დაცვის სახელმწიფო პროგრამებთან ერთად უზრუნველყოს მოსახლეობის ჯანმრთელობის გაუმჯობესების ხელშეწყობა.

პროგრამის მოსარგებლები არიან დმანისის მუნიციპალიტეტში რეგისტრირებული სოციალურად დაუცველი პირები;

- 1. პროგრამით მოსარგებლეთათვის გამოიყენება შემდეგი სოციალური კრიტერიუმები:

- ა) „სოციალურად დაუცველი ოჯახების მონაცემთა ერთიან ბაზაში” რეგისტრირებული ოჯახები, რომლებსაც მინიჭებული აქვთ 100 000 ქულის ჩათვლით სოციალურ-ეკონომიკური მდგომარეობის ამსახველი სარეიტინგო ქულა;
 - ბ) იძულებით ადგილნაცვალი პირები და მათი ოჯახის წევრები;
 - გ) ობოლი არასრულწლოვანი ბავშვები;
 - დ) მკვეთრად და მნიშვნელოვნად გამოხატული შეზღუდული შესაძლებლობების მქონე პირები;
 - ე) 18 წლამდე შეზღუდული შესაძლებლობების მქონე პირები;
 - ვ) ავთვისებიანი სიმსივნით დაავადებული პირები (საჭიროების შესაბამისად);
 - ზ) C ჰეპატიტით დაავადებული პირები (საჭიროების შესაბამისად);
 - თ) 18 წლამდე ასაკის პირები, რომლებსაც ესაჭიროებათ ფიზიკური თერაპიისა და რეაბილიტაციის კურსები.
- ბენეფიციარების დაფინანსება ხორციელდება დმანისის მუნიციპალიტეტის მერის გადაწყვეტილებით წარმოდგენილი დოკუმენტაციის საფუძველზე;
- სტაციონარულ, ამბულატორიულ, ფიზიკური თერაპიისა და რეაბილიტაციის მკურნალობის დაფინანსება ხორციელდება სრულად არა უმეტეს 1000 (ათასი) ლარისა;

4. ტრანსპორტით მომსახურების 2020 წლის მუნიციპალური პროგრამა

1. პროგრამის მოსარგებლები არიან:
 - ა) დმანისის მუნიციპალიტეტში რეგისტრირებული სტუდენტები (ინფორმაციის წყარო - საქართველოს განათლების, მეცნიერების, კულტურისა და სპორტის სამინისტრო);
 - ბ) დმანისის მუნიციპალიტეტში რეგისტრირებული უსინათლოები (ინფორმაციის წყარო - საქართველოს უსინათლოთა კავშირი);
 - გ) დმანისის მუნიციპალიტეტში რეგისტრირებული ვეტერანები (კოდი – 100, 111, 112, 113, 200, 300, 311, 312, 313, 500, 501, 800), ინფორმაციის წყარო - სსიპ ვეტერანების საქმეთა სახელმწიფო სამსახური);
 - დ) დიალიზის საჭიროების მქონე პირები (რომლებიც სარგებლობენ დმანისის მუნიციპალიტეტის „დიალიზის საჭიროების მქონე პირების დახმარების 2020 წლის მუნიციპალური პროგრამით“).

ტრანსპორტის გადაადგილების მიმართულება

- ა) ქ. დმანისიდან ქ. თბილისის და ქ. თბილისიდან ქ. დმანისის მიმართულებით გადაადგილება კვირაში ორი დღე, ხოლო კვირა საღამოს ერთი მიმართულებით გადაადგილება ქ. დმანისიდან ქ. თბილისის მიმართულებით.
- ბ) სადღესასწაულო დღეებთან დაკავშირებით ტრანსპორტის გამოყოფა მოხდეს საზოგადოებრივი მოთხოვნის გათვალისწინებით.

გ) საქართველოს მასშტაბით სხვადასხვა მხარეში გამართულ კულტურულ, სოციალურ, სპორტულ და სხვა ღონისძიებებში ჩართულობისათვის ტრანსპორტით უზრუნველყოფა განხორციელდეს საჭიროების შესაბამისად;

დ) სამუშაო დღეებში მოსახლეობის შიდა მუნიციპალური გადაადგილებისათვის სოფელი პატარა დმანისი - ქ. დმანისის და ქ. დმანისი - სოფელ პატარა დმანისის მიმართულებით ტრანსპორტით უზრუნველყოფა;

ე) ცალკეულ შემთხვევებში ტრანსპორტის გამოყოფა განხორციელდეს მერის გადაწყვეტილების საფუძველზე;

ვ) მე-3 მუხლის ე) ქვეპუნქტში მითითებული შემთხვევის დაფინანსება განხორციელდეს მიღება - ჩაბარების აქტის საფუძველზე. ცალკეულ შემთხვევაში გამოიცეს მერის ადმინისტრაციული სამართლებრივი აქტი ტრანსპორტის გამოყოფის შესახებ.

5. ფენილკეტონურიით და გლუტენის ავადმყოფობით (ცელიაკია) დაავადებულ ბავშვთა სპეციფიკური კვების პროდუქტებით დახმარების 2020 წლის მუნიციპალური პროგრამა

პროგრამის ამოცანაა ფენილკეტონურიით და გლუტენის ავადმყოფობით (ცელიაკია) დაავადებულ ბავშვთა სპეციფიკური კვების პროდუქტებით დახმარება.

1. პროგრამის მოსარგებლები არიან დმანისის მუნიციპალიტეტში რეგისტრირებული ფენილკეტონურიით და გლუტენის ავადმყოფობით (ცელიაკია) დაავადებული პირები.

2. მოსარგებლე ამ პროგრამით გათვალისწინებულ დახმარებას იღებს ფინანსური დახმარების სახით.

პროგრამის დაფინანსება ხორციელდება წარმოდგენილი ანგარიშ-ფაქტურის შესაბამისად, წლის განმავლობაში ერთ მოსარგებლეზე არა უმეტეს 2 000 (ათასი) ლარის ოდენობით.

მუნიციპალიტეტის მერიაში წარმოსადგენი დოკუმენტაცია

1) შესაბამისი განცხადება მუნიციპალიტეტის მერის სახელზე;

2) ბენეფიციარის პირადობის დამადასტურებელი დოკუმენტის ასლი;

3) ანგარიშ - ფაქტურა შესაბამისი კვების პროდუქტების მიმწოდებელი ორგანიზაციიდან;

4) პირადი საბანკო რეკვიზიტები.

6. ზამთრის სეზონის დადგომასთან დაკავშირებით საწვავით (სათბობი შეშით ან ბიოსაწვავი „ბრიკეტით“) უზრუნველყოფის 2020 წლის მუნიციპალური პროგრამა

პროგრამის ფარგლებში წელიწადში ერთხელ მუნიციპალიტეტში რეგისტრირებულ მარტოხელა პენსიონერებს, იძულებით გადადგილებულ პირთა მარჩენალ დაკარგულ ოჯახებს, იძულებით გადადგილებულ პირთა შშმ პირების ოჯახებს საშუალება ეძლევათ ზამთრის სეზონის დადგომასთან დაკავშირებით, გათბობის მიზნით, მუნიციპალიტეტიდან დახმარების სახით მიიღონ შეშა/ბრიკეტი ან სხვა მასალა.

მოსარგებლე ამ პროგრამის გათვალისწინებით იღებს მატერიალურად 2მ³ შეშას ან შესაბამისი რაოდენობის ბიოსაწვავის „ბრიკეტის“ სახით.

1. ცალკეულ შემთხვევაში მერის გადაწყვეტილებით განსაზღვრული პირები.

7. აუტიზმის სპექტრის აშლილობათა მქონე ბავშვების რეაბილიტაციის სოციალური დახმარების 2020 წლის მუნიციპალური პროგრამა

პროგრამის მიზანია აუტისტური სპექტრის აშლილობების და ამ მხრივ რისკის მქონე ბავშვების მკურნალობა, სოციალური კომუნიკაციის ხელშეწყობა, ადაფტაციური უნარების განვითარება და მათი ოჯახების მხარდაჭერა.

პროგრამით მოსარგებლები არიან დმანისის მუნიციპალიტეტში რეგისტრირებული აუტიზმის სპექტრის აშლილობათა მქონე 2 - დან 18 წლის ასაკის ჩათვლით საქართველოს მოქალაქეები, რომლებსაც გააჩნიათ დაავადებათა საერთაშორისო კლასიფიკატორის (ICD_10) განვითარების ზოგადი აშლილობების დიაგნოზი (ბავშვთა აუტიზმი (F84.0), ატიპური აუტიზმი (F84.1), ასპერგერის სინდრომი (F84.5), განვითარების ზოგადი აშლილობა (F84.9)).

პროგრამა ხორციელდება აუტიზმის სპექტრის აშლილობათა მქონე 2 - დან 18 წლის ასაკის ჩათვლით პირებზე;

მოსარგებლე ამ პროგრამით გათვალისწინებულ დახმარებას იღებს წერიწადში ერთხელ არა უმეტეს 4620 ლარისა;

აზრი გამოთქვას: დავით დაუთაშვილმა და ვალერი სამადაშვილმა

კომისიის წევრებმა, მოიწონეს 2020 წლის სოციალური პროგრამები.

დაადგინეს: კომისიის თავმჯდომარემ აღნიშნული საკითხი წარმოადგინოს ბიუროს სხდომაზე.







კომისიის თავმჯდომარე:



მ. აბრამიშვილი

დმანისის მუნიციპალიტეტის საკრებულოს სოციალურ საკითხთა კომისიის სხდომებში
მონაწილეობის აღრიცხვის ფურცელი


სხდომას ესწრებოდნენ კომისიის წევრები:

1. მურაზი აბრამიშვილი 
2. მზია ნინიაშვილი 
3. თორნიკე ნინიაშვილი 
4. ვალერი სამადაშვილი 
5. დავით დაუთაშვილი 
6. გუმბათ იუსუბოვი 

არ ესწრებოდნენ:

1. ალექსანდრე ნონიაშვილი----- საპატიო
2. გოგი ბარბაქაძე----- საპატიო
3. ვიდადი აბდულაევი -----საპატიო
4. რამიზ რამაზანოვი-----საპატიო

კომისიის თავმჯდომარე:



მურაზი აბრამიშვილი

თარიღი. 13.12.2019 წ